

有部昆侖耶

才十五

去五

三百十七

49920



根本說一切有部毗奈耶卷第十五 去

唐三藏法師 義淨奉

制譯

破僧違諫學處之二

尔時薄伽梵詣常集堂於大眾中就座而坐
告諸苾芻曰於此世間有五種師云何為五
如有一師戒實不淨自言戒淨然諸弟子由
共住故知不清淨遂相告曰我之大師戒實
不淨而自謂戒淨若其我等說向餘人師若
聞時便生不樂我復云何而相依止我等宜
默彼自當知又復我師常以飲食衣服卧具
湯藥病緣所須資給於我我等宜應共相擁
護然彼師自作如是念我諸弟子覆我過失

此是第一大師於世間住復有一師實命不
淨自言命淨彼諸弟子由共住故知不清淨
遂相告曰我之大師命實不淨自謂命淨若
其我等說向餘人彼若聞時便生不樂我復
云何而相依止我等宜默彼自當知又復我
師常以飲食衣服卧具湯藥病緣所須資給
於我我等宜應共相擁護然彼師主作如是
念我諸弟子覆我過失此是第二大師於世
間住復有一師智見不淨自言智見是淨彼
諸弟子由共住故知智見不淨廣說如前此
是第三大師在世間住復有一師不閑授記
自言善閑授記如實了知彼諸弟子由共住

故知不閑授記廣說如前此是第四大師在
世間住復有一師依止親近惡說法律自言
所依之法是善說法律彼諸弟子由共住故
知是惡說法律廣說如前此是第五大師在
世間住

汝諸苾芻我所持戒清淨無過我今自謂持
戒清淨無有過失汝諸弟子不須擁護於我
我亦無心令汝覆蓋此是第一我住世間又
復諸苾芻我住淨命我今自謂活命清淨無
有過失汝諸弟子不須擁護於我我亦無心
令汝覆蓋此是第二我住世間又復諸苾芻
我智見淨廣說如前此是第三我住世間又

復諸苾芻我善閑授記如實了知廣說如前
此是第四我住世間又復諸苾芻我之所依
善說法律我今自謂善說法律廣說如前此
是第五我住世間

諸苾芻我今苦言殷勤告汝汝等應可至心
奉行猶如陶師燒坏器時同藝薪火好者成
就惡者破壞汝等宜當善順我言無貽後悔
尔時天授命四伴曰汝等四人今應共我破
彼沙門喬荅摩和合僧伽并破法輪我沒代
後獲於善名稱聲滿十方作如是說沙門喬
荅摩現在世間然而提婆達多有天威勢力共
孤迦里迦塞茶達驃羯吒謨洛迦底灑三沒

達羅達多破彼和合僧伽并破法輪時孤迦
里迦告天授曰我今與汝不辦斯事何以故
然薄伽梵聲聞弟子有大威力天眼明徹鑒
察他心其事雖遠而能遙見彼身在近人不
見知我等所為彼皆預了是時天授告其伴
曰仁等宜應共設方便友人報曰方便云何
天授報曰我今詣彼耆年宿德諸上座處當
以種種上妙資具供給所須不令闕乏少年
苾芻亦與供給令生歡喜或以衣鉢鉢袋罽
條教其讀誦作意相應友人報曰斯好方便
是時天授廣為矯誑欲破僧伽諸大苾芻覺
知天授所為進趣欲破僧輪以此因緣具白

世尊天授有意欲破僧輪。尔時世尊告諸苾芻曰：汝等宜應別諫天授。若更有餘如是流類，應可諫曰：天授汝莫破和合僧伽歡喜無諍事。堅執而住天授，應與和合僧伽歡喜無諍同心一說。如水乳合，大師教法令得光顯安樂。而住天授汝今應捨作破僧事。

時諸苾芻奉佛教已，尋即別諫提婆達多。告言：天授汝莫破和合僧作鬪諍事。非法而住天授，應與和合僧伽歡喜無諍同心一說。如水乳合，大師教法令得光顯安樂。而住天授汝今應捨作破僧事。時諸苾芻別諫之時，提婆達多堅執其事，無心棄捨。云：此事真實餘

皆虛妄時諸苾芻具以此緣而白出尊大德
我已別諫提婆達多我等爲作別諫之時提
婆達多堅執不捨而云此事真實餘皆虛妄
今時佛告諸苾芻汝等應與提婆達多作白
四羯磨對衆諫之若更有餘如是流類應如
是諫當敷坐具次鳴捷稚應先言白後摠集
僧僧伽集已令一苾芻作白羯磨應如是作
大德僧伽聽此提婆達多欲破和合僧作鬪
諍事非法而任時諸苾芻已作別諫別諫之
時堅執其事不肯棄捨云此事真實餘皆虛
妄若僧時到僧許可僧今與提婆達多作白
四羯磨曉諫其事汝提婆達多莫欲破和合

僧作鬪諍事執受而住提婆達多應與和合
僧伽歡喜無諍同心一說如水乳合大師教
法令得光顯安樂而住汝提婆達多應捨破
僧事白如是次作羯磨大德僧伽聽此提婆
達多欲破和合僧作鬪諍事堅執而住諸苾
芻已作別諫別諫之時堅執其事不肯棄捨
云此事真實餘皆虛妄僧今與提婆達多作
白四羯磨曉諫其事汝提婆達多莫欲破和
合僧作鬪諍事堅執而住提婆達多應與和
合僧伽歡喜無諍同心一說如水乳合大師
教法令得光顯安樂而住汝提婆達多應捨
破僧事若諸具壽忍許與提婆達多作白四

羯磨曉諫其事汝提婆達多莫欲破和合僧
作鬪諍事堅執而住汝提婆達多應與和合
僧伽歡喜無諍同心一說如水乳合大師教
法令得光顯安樂而住汝提婆達多應捨如
是破僧事者默然若不忍者說此是初羯磨
第二第三亦如是說僧今已作白四羯磨諫
提婆達多竟僧伽聽許由其默然故我今如
是持

時諸苾芻既奉佛教已即以白四羯磨諫彼
提婆達多時提婆達多堅執不捨云此真實
餘皆虛妄時提婆達多有同伴四人共相隨
順說破僧事告諸苾芻曰大德莫共彼苾芻

所有言說若善若惡何以故然彼苾芻是法
語者是律語者依於法律方爲言說知而說
非不知說彼愛樂者我亦愛樂時諸苾芻以
此因緣具白世尊廣說如上乃至我亦愛樂
世尊告曰汝等苾芻當與同伴四人作別諫
法若更有餘如是流類亦應呵諫應如是作
汝孤迦利迦褰荼達驃羯吒謨洛迦底灑三
沒達羅達多知彼苾芻欲破和合僧作鬪諍
事堅執而住汝等共爲助伴莫相隨順說破
僧事莫向諸苾芻作如是語諸大德莫共彼
苾芻所有言說若好若惡何以故而彼苾芻
是法語者是律語者依於法律方爲言說知

而說非不知說彼愛樂者我亦愛樂何以故
具壽而彼苾芻非法律語不依法律而作言
說不知而說非是知說堅執而住汝莫愛樂
破和合僧當樂和合僧應與僧伽和合歡喜
無諍同心一說如水乳合大師教法令得光
顯安樂而住具壽汝今可捨隨順破僧不和
合事時諸苾芻奉教而作即以別諫諫彼四
人作如是說汝孤迦里迦等四人知彼苾芻
欲破和合僧作鬪諍事堅執而住莫共爲伴
順邪違正諸具壽汝等勿於諸苾芻作如是
語諸大德莫共彼苾芻論好論惡何以故而
彼苾芻是法律語依於法律而作言說知而

說非不知說彼愛樂者我亦愛樂何以故具
壽然彼苾芻非法律語不依法律而作言說
不知而說非是知說具壽汝莫愛樂破僧事
當樂和合僧應共和合僧伽歡喜無諍同心
一說如水乳合大師教法令得光顯安樂而
住具壽汝今應捨隨順破僧不和合事時諸
苾芻別諫之時彼助伴人不肯受語堅執不
捨云此真實餘皆虛妄時諸苾芻以此因緣
具白世尊大德我已別諫孤迦里迦等我等
爲作別諫之時孤迦里迦等堅執其事無心
棄捨而云此事真實餘皆虛妄
佛告諸苾芻汝等應與孤迦里迦等作白四

羯磨對衆諫之若更有餘如是流類同前集
衆作白羯磨應如是作

大德僧伽聽此孤迦里迦寒荼達驃羯吒謨
洛迦底灑三沒達羅達多知彼苾芻欲破和
合僧伽作鬪諍事堅執而住隨順於彼不和
合事諸苾芻作如是諫時汝等莫向諸苾芻
作如是語諸大德莫共彼苾芻所有言說若
好若惡何以故而彼苾芻是法語者是律語
者依於法律而作言說知而說非不知說彼
愛樂者我亦愛樂時諸苾芻為作別諫別諫
之時彼於其事堅執而住作如是語此事實
亦餘皆虛妄若僧時到僧許可僧今以白四

羯磨諫孤迦里迦等四人。汝孤迦里迦等知
彼苾芻欲破和合僧作鬪諍事。執受而住。隨
順於彼不和合事。諸苾芻作如是諫時。汝等
莫向諸苾芻作如是語。大德。彼苾芻所有言
說。若好若惡。何以故。而彼苾芻是法語者。是
律語者。依於法律而作言說。知而說非不知
說。彼愛樂者。我亦愛樂。何以故。彼苾芻非法
語者。非律語者。而彼苾芻於非法律堅執而
住。不知而說非是。知說諸具壽。莫樂破僧事。
當樂和合僧。應共僧和合歡喜。無諍同心。一
說如水乳合。大師教法。令得光顯安樂。而住。
諸具壽。汝今應捨隨伴。破僧不和合事。白如。

是次作羯磨准白應爲諸苾芻旣奉教已白
言如是言我等當諫即以白四羯磨諫彼孤
迦里迦等時彼四人堅執不捨云此真實餘
皆虛妄時諸苾芻以緣白佛大德我等以白
四羯磨諫彼孤迦里迦等時堅執其事無心
棄捨云此真實餘皆虛妄佛告諸苾芻提婆
達多共伴四人順邪違正從今已去破我弟
子和合僧伽并破法輪有大勢力
時提婆達多聞是語已便作是說沙門喬荅
摩與我授記告諸苾芻曰提婆達多共伴四
人順邪違正從今已去破我弟子和合僧伽
并破法輪有大勢力即告孤迦里迦等汝等

當知沙門喬荅摩與我授記提婆達多共伴
四人順邪違正從今已去破我弟子和合僧
伽并破法輪有大勢力時提婆達多於破僧
事更增勇猛諸苾芻聞具白世尊尔時世尊
以此因緣集苾芻僧伽廣說如前乃至世尊
問提婆達多苾芻曰汝實欲破和合僧伽作
鬪諍事堅執而在提婆達多白言大德實尔
尔時世尊告提婆達多曰汝非沙門非隨順
不清淨不應爲非出家人之所作事世尊如
是種種訶責已告諸苾芻曰我觀十利爲諸
苾芻制其學處應如是說
若復苾芻興方便欲破和合僧於破僧事堅

執不捨諸苾芻應語彼苾芻言具壽莫欲破
和合僧堅執而住具壽應與衆僧和合共住
歡喜無諍同一心說如水乳合大師教法令
得光顯安樂久住具壽汝可捨破僧事諸苾
芻如是諫時捨者善若不捨者應可再三殷
勤正諫隨教應詰令捨是事捨者善若不捨
者僧伽伐尸沙

若復苾芻者謂提婆達多若更有餘如是流
類言和合者謂是一味僧伽者謂是如來聲
聞之衆欲破者謂欲爲二分方便者欲爲進
趣勸作諍事堅執而住者謂提婆達多勸伴
四人爲鬪諍事攝受而住諸苾芻者謂此諸

人彼苾芻者謂提婆達多言者謂是別諫如
教廣說捨者善若不捨者應可三諫乃至廣
說僧伽伐尸沙者事如前說

此中犯相其事云何若苾芻興方便欲破僧
皆得惡作罪若別諫時事不捨者皆得麁罪
若作白四羯磨如法如律如佛所教諫誨之

時捨者善若不捨者白了之時得麁罪作初
番了時亦得麁罪若第二番了時亦得麁罪
若第三番羯磨結了之時而不捨者得僧伽
伐尸沙若作非法而衆和合若作如法而衆
不和合若作似法而衆和合若作似法而衆
不和合若不如法如律如佛所教而秉法並

皆無犯時彼苾芻若於座上告大眾言大德
我苾芻某甲犯僧伽伐尸沙罪者善若不說
者乃至其罪未如法說悔已來若復其餘苾
芻作白羯磨乃至白四法一一皆得惡作罪
又無犯者初造過人或癡狂心亂痛惱所纏
隨順破僧違諫學處第十一

尔時世尊即於本座爲諸聲聞弟子欲制破
僧隨伴學處告諸苾芻曰汝諸苾芻且未須
起僧伽有少事業世尊知而故問廣說如前
世尊即便問孤迦里迦等四人曰汝等實知
提婆達多欲破和合僧作破僧方便勸作諍
事堅執而住汝共爲伴順邪違正告諸苾芻

曰大德莫共彼苾芻有所論說若好若惡何以故而彼苾芻是法律語依於法律而作言說知而方說非不知說彼愛樂者我亦愛樂不彼白佛言實尔世尊世尊告曰汝非沙門非隨順行不清淨不應為非出家人之所應作世尊種種訶責已告諸苾芻廣說如前乃至我觀十利為諸聲聞弟子制其學處應如是說

若復苾芻若一若二若多與彼苾芻共為伴黨同邪違正隨順而任時此苾芻語諸苾芻言大德莫共彼苾芻有所論說若好若惡何以故彼苾芻是順法律依法律語言無虛妄

彼愛樂者我亦愛樂諸苾芻應語此苾芻言
具壽莫作是說彼苾芻是順法律依法律語
言無虛妄彼愛樂者我亦愛樂何以故彼苾
芻非順法律不依法律語言皆虛妄汝莫樂
破僧當樂和合僧應與僧和合歡喜無諍同
一心說如水乳合大師教法令得光顯安樂
久住具壽可捨破僧惡見順邪違正勸作諍
事堅執而住諸苾芻如是諫時捨者善若不
捨者應可再三殷勤正諫隨教應詰令捨是
事捨者善若不捨者僧伽伐尸沙
若復苾芻者謂提婆達多一二多者謂孤迦
里迦等一二人已去名之爲多順邪違正者

共彼爲伴順其邪見違失正理諸苾芻者謂
在此法中若好若惡者勿教提婆達多令其
行善遮止其惡何以故彼是知法律人有所
言說皆是隨順大師教法廣說乃至堅執而
在皆是別諫之辭若不捨者僧應三諫廣說
如上作羯磨法此中犯相其事云何若諸助
伴苾芻知彼苾芻欲破和合僧廣說如前作
惡方便共彼爲伴順邪違正皆得惡作餘有
犯相如前破僧處廣說應知

汙家學處第十二

佛在室羅伐城逝多林給孤獨園時枳吒山
有三苾芻一名阿濕薄迦二名補捺伐素三

名半豆盧咽得迦作汗家法行惡行共諸女
人言談戲笑掉舉倡逸摩打其身同一牀坐
共一盤食同觴飲酒或自採華教人採華或
自結髮教人結髮歌舞伎樂見他戲笑以物
與之或高抄衣跳身返躑或爲象叫或作馬
鳴或爲牛吼或作孔雀聲或爲鸚鳥鳴或拍
水作聲爲諸戲笑或作所餘倡伎之具共彼
女人作非威儀造諸過失時枳吒山有婆羅
門居士及諸人衆見爲惡行生不信心起諸
謗議於此所有舊任苾芻不能以食共相拯
給况復餘人介時具壽阿難隨於迦尸國人
間遊行次至枳吒山任於日初分執持衣鉢

入枳吒山聚落而行乞食空鉢而出一掬之
食亦無與者是時具壽阿難隨作如是念我
憶昔日曾至此山人民豐樂乞食易得今者
此山同前豐樂何意乞食迥無施者空鉢而
出一掬之食亦無與者豈非於此有佛弟子
於巷陌中罵詈女人共身相觸由此因緣遂
令我今乞食不得時枳吒山諸婆羅門居士
有五百人於常聚處有事須集時阿難隨往
常集處告諸人曰仁等知不我憶昔日曾至
此山人民豐樂乞食易得今者此山同前豐
樂何故乞食迥無施者空鉢而入還空鉢出
一掬之食亦無與者時此會中有鄔波索迦

名曰水羅即便前執阿難隨手共向一邊而
白言大德知不此枳吒山有苾芻名阿濕薄迦
補捺伐素作汙家法行惡行共諸女人言談
戲笑廣說如前乃至造諸過失令起謗議於
此所有舊住苾芻不能以食共相拯給況復
餘人若其尊者因至佛所願以此事具白世
尊是時尊者聞是語已默然許之時鄔波索
迦知彼尊者默然許已即便請曰唯願大德
至我家中受一微供時具壽阿難隨默然受
之時鄔波索迦即將詣舍安置勝座奉妙飲
食令其飽足時具壽阿難隨食已洗鉢還來
就座時鄔波索迦便敷界座於尊者前聽說

法要時尊者阿難隨爲鄔波索迦種種說法
示教讚喜辭別而去時具壽阿難隨還至任
處囑授僧常牀褥等已執持衣鉢行詣室羅
伐城旣至彼已洗手濯足往給園中安置衣
鉢詣世尊所禮雙足已在一面住具以鄔波
索迦所陳之事而白世尊

今時佛告具壽阿難隨曰汝今宜共老宿苾
芻六十許人往枳吒山與阿濕薄迦補捺伐
素作駢遣羯磨應如是作欲至彼山可於路
次一處而住應差詰問苾芻若無五德即不
應差設差應捨何謂爲五謂有愛恚怖癡於
詰不詰不能解了若有五德此即合差差不

應捨何謂為五謂無愛恚怖癡於詰不詰善
能解了如是應差如常集僧已應先問彼汝
某甲苾芻能往枳吒山詰問阿濕薄迦補捺
伐素不彼荅我能令一苾芻作白羯磨如是
應作大德僧伽聽此詰問苾芻某甲樂欲往
彼枳吒山詰問阿濕薄迦補捺伐素苾芻若
僧伽時到僧許可僧今差某甲苾芻為詰問
人往枳吒山詰問阿濕薄迦補捺伐素苾芻
白如是次作羯磨大德僧伽聽此詰問苾芻
某甲往枳吒山詰問阿濕薄迦補捺伐素苾
芻僧今差此詰問苾芻某甲此苾芻某甲往
枳吒山當詰問阿濕薄迦補捺伐素苾芻若

諸具壽許詰問苾芻某甲往枳吒山當詰問
阿濕薄迦補捺伐素苾芻者默然若不許者
說僧今差詰問苾芻某甲往枳吒山詰問阿
濕薄迦補捺伐素苾芻僧已許差詰問苾芻
某甲竟由其默然故我今如是持

諸苾芻我今當說詰問苾芻所有行法其詰
問苾芻往枳吒山敷座鳴椎如常集僧應詰
問彼阿濕薄迦補捺伐素若不肯集由其傲
慢不敬衆故即應與作驅遣羯磨彼若來集
者其詰罪人應問容許若不許者與作驅遣
羯磨若許問者應當詰問若云我不見罪便
是慢衆即應與作驅遣羯磨若言見罪者僧

伽即應與作駢遣羯磨如我所說詰問苾芻
所有行法不依行者得越法罪時具壽阿難
隨并諸耆宿苾芻聞佛教已奉辭而去於其
中路差詰問苾芻時枳吒山有半豆盧呬得
迦苾芻譯為黃赤等是彼阿濕薄迦等惡行同伴
彼聞具壽阿難隨并諸耆宿苾芻欲來至此
與阿濕薄迦等作駢遣羯磨便作是念但是
彼人身造惡行口陳惡說我等皆作當知具
壽阿難隨及諸耆宿大德苾芻來至於此與
阿濕薄迦等作駢遣羯磨已尋為我等亦作
駢遣我等宜應往室羅伐城詣世尊所及苾
芻衆請乞懺摩

言懺摩者此方正譯當乞容
恕容忍收謝義也若觸誤前

人欲乞歡喜者皆云懺摩無問大小咸同此
說若悔罪者本云阿鉢底提舍那阿鉢底是
罪提舍那是說應云說罪云懺悔者懺是西
音悔是東語不當請恕復非說罪誠無由致

復更議曰我等去時諸大德等於路相見必
先爲我等作捨置羯磨後當爲彼阿濕薄迦
等作馱遣羯磨我等宜應別設方便翼先其
難可預作衣幘所有利養並共平分聽聲而
住若諸大德大門入時我等即從小門而出
咸然此說未久之間具壽阿難隨并諸大德
至枳吒山來詣住處從大門入時黃赤等茲
芻從後門出急趣長途詣室羅伐城禮佛足
已詣諸苾芻所隨其所犯應合說悔者對人
說悔應合責心悔者皆自責心旣除罪已共

諸清淨苾芻一處而住衆僧所有如法制令
皆隨護之時詰問苾芻於枳吒山住處敷座
鳴椎集大衆已時詰問苾芻問阿濕薄迦等
容許之事旣容許已問罪虛實彼便荅言所
問我罪其事皆實是時大衆即便與作駈遣
羯磨其羯磨文准事應作作羯磨已時具壽
阿難隨及諸耆宿並循來路還室羅伐城時
阿濕薄迦等苾芻作如是念仁等當知於地
倒者還從地起我應宜往室羅伐城詣世尊
所求哀容恕及苾芻僧伽
時阿濕薄迦等至夜過已明日晨朝執持衣
鉢入村乞食還來本處食事旣了囑授房舍

及餘卧具便持衣鉢往室羅伐城既至任處
時諸舊住者宿苾芻皆不共語及黃赤等苾
芻亦不共語時阿濕薄迦即便問曰具壽者
宿大德容可不言仁等於我因何不語我等
身造惡行口說惡言仁等皆悉不同作耶何
故今時不共言說彼便荅曰事雖實尔然我
至此隨其所犯應合說悔者對人說悔應合
責心者皆已責心既除罪已諸清淨苾芻一
麴而住衆僧所有如法制今皆隨護之不復
更與行惡行人言談聚集時阿濕薄迦等聞
是語已便生嫌賤作如是語諸大德等有愛
有恚有怖有癡有如是苾芻有駭者有不駭

者時諸苾芻聞是語已而問之曰介於何人
說有愛恚怖癡阿濕薄迦曰謂具壽阿難陀
并諸大德往枳吒山與我等作駝遣羯磨而
於其中有不駝者諸少欲苾芻聞是語已嫌
責阿濕薄迦等曰云何汝等知諸大德往枳
吒山如法駝擯而故說彼有愛恚怖癡有如
是同罪苾芻有駝者有不駝者時諸苾芻以
此因緣具白世尊世尊告曰汝諸苾芻應可
別諫阿濕薄迦等苾芻若更有餘如是流類
應如是諫汝阿濕薄迦補捺伐素知諸大德
往枳吒山如法駝擯莫故說彼有愛恚怖癡
有如是同罪苾芻有駝者有不駝者然具壽

等行惡行汗他家衆皆聞見衆共了知汝等
應捨有愛等言時諸苾芻聞佛教已奉持而
去一一具說如佛所教乃至汝等應捨有愛
等言時諸苾芻別諫之時其阿濕薄伽等如
先所說堅執而住如我等言其事實余餘皆
虛妄時諸苾芻以此因緣具白世尊大德我
等奉教已作別諫其阿濕薄迦等如先所說
堅執而住而云我等所言其事實余餘皆虛
妄世尊告曰汝等應可白四羯磨諫彼二人
若更有餘如斯流類如是應諫敷座鳴稚如
常集衆衆既集已令一苾芻作白羯磨其羯
磨文在事應作時諸苾芻受佛教已依法而

作諫彼二人當諫之時而彼二人如先所說
堅執而住而云我等所言其事實余餘皆虛
妄時諸苾芻以緣白佛我等以白四法諫阿
濕薄迦等然彼諫時不受諫語而云我等所
言其事實余餘皆虛妄

亦時世尊以此因緣集苾芻衆知而故問廣
說如前乃至我觀十利為諸聲聞弟子制其
學處應如是說

若復衆多苾芻於村落城邑住汗他家行惡
行汗他家亦衆見聞知行惡行亦衆見聞知
諸苾芻應語彼苾芻言具壽汝等汗他家行
惡行汗他家亦衆見聞知行惡行亦衆見聞

知汝等可去不應住此彼苾芻語諸苾芻言
大德有愛恚怖癡有如是同罪苾芻有駟者
有不駟者

時諸苾芻語彼苾芻言具壽莫作是語諸大
德有愛恚怖癡有如是同罪苾芻有駟者有
不駟者何以故諸苾芻無愛恚怖癡汝等許
他家行惡行汙他家亦衆見聞知行惡待亦
衆見聞知具壽汝等應捨愛恚等言諸苾芻
如是諫時捨者善若不捨者應可再三懇勸
正諫隨教應詰令捨是事捨者善若不捨者
僧伽伐尸沙

若復衆多苾芻者謂阿濕薄迦補捺伐隸乃

至多人於聚落中者謂枳吒山汗他家有
二因緣而汗他家云何爲二一謂共住一謂
受用何謂共住謂與女人同一牀坐同一盤
食同觴飲酒何謂受用謂同受用樹葉華菓
及齒木等行惡行者謂行鹿重罪惡之法家
者謂婆羅門居士等舍見謂眼識聞謂耳識
知謂餘識諸苾芻者謂此法中人應語彼
芻者謂別諫之詞如前廣說若別諫時捨者
善若不捨者諸苾芻應再三諫誨以白四法
亦廣如前僧伽伐尸沙者亦如前說此中犯
相其事云何苾芻知彼如法爲作駮擯羯磨
而後說言有愛恚等皆得惡作苾芻別諫之

時若捨者善若不捨者得率吐羅底也餘並
同前破僧處說

根本說一切有部毗奈耶卷第十五 去

陶

挑音

坏

反正

藝

而雪

貽

反余之

喬

反其嬌

條

叨音

矯

反居小

詰

反起

枳

反

吒

上居

嫁

反只

家

反下

竹

溼

反二

濕

反四

反 虛器

掉

反徒

倡

反昌

觴

反傷

變

反莫

拯

反

賑

反忍

賑

反下

正

掬

反菊音

傲

反吾

告

反音

循

反音

根本說一切有部毗奈耶十五卷

去

